

Segun prensa Mericano

Xander Bogaerts lo regresa Aruba famoso despues di Serie Mundial di Boston

St. Louis, MERCA – Prome cu e Serie Mundial di baseball a inicia, e nobato di Boston Red Sox Xander Bogaerts a bisa cu e no sa kico lo spera su persona ora e regresa bek Aruba durante e off season.

“Homber, mi no sa,” Bogaerts a contesta ora a puntra si e por bay na un tienda. “Pero definitivamente mi lo purba. Mi sa cu probablemente aworaki na Aruba ta loco.. Mi no sa kico mi lo bay haci. Definitivamente mi lo bay lama.” E hungado di 21 aña tabata 3 pa 13 den e serie ora cu nan a drenta e wegá cinco di dialuna, pero na comienso

e tabata tin algun wega difícil, bay di 0 pa 6 cu cuater strike out. Solamente e dos weganan ey, aparentemente, a manda algun persona cas bek un tiki rabia.

“Ta hectic aya bou,” Boagaerts a bisa. “Ta algo diferente. Hopi hende bistiendo mi t-shirt, mi no por imagina. Tur hende, nan ta mirando e wega y ta spera pa bo haci un bon trabou. E prome dos weganan, mi a strike out dos biaha den cada wega. Tur hende tabata manera, Bogaerts kico ta pasando? Y ami tabata manera, no spanta. Relaha. E ta ge-



woon baseball. Bo tin subida y bahada, bo mester relaha y

disfruta di e wega.” Bogaerts tabata tin e beneficio di hun-

ga den e Clasico Mundial di Baseball e aña aki. □